



Broj: 07-253/21
Srebrenik, 26.08.2021. godine

Na osnovu člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika i opreme u projektu „Ekonomsko osnaživanje socijalno ugroženih osoba I mladih osobakroz proizvodnju povrća u plasteniku” kojim su osigurana donatorska sredstva od strane Nevladine organizacije “Muslim Aid Association” 40 %, Grada Srebrenika 40 %, osigurana u Budžetu Grada Srebrenika za 2021.godinu i vlastitog učešća korisnika 20 %, a u cilju nabavke i dodjele 20 plastenika od 100 m² sa sadnim/sjemenskim materijalom, sistemom za navodnjavanje i dodatnom opremom, na području grada Srebrenika, Gradonačelnik raspisuje:

JAVNI POZIV
za podnošenje zahtjeva za dodjelu plastenika od 100m² m sa sadnim/sjemenskim materijalom, sistemom za navodnjavanje i dodatnom opremom

Grad Srebrenik u saradnji sa Nevladinom organizacijom “Muslim Aid Association” sa sjedištem u Sarajevu raspisuje Javni poziv za podnošenje zahtjeva za dodjele 20 plastenika od 100 m² sa sadnim/sjemenskim materijalom, sistemom za navodnjavanje i dodatnom opremom. Projekat sufinansiraju Grad Srebrenik, 40%, Nevladina organizacija “Muslim Aid Association”, 40% i krajnji korisnik sa 20% od ukupne cijene plastenika i opreme

I PRAVO UČEŠĆA

Pravo na učešće u Projektu imaju prioritetne kategorije stanovništva - nezaposlene osobe ili osobe sa minimalnim primanjima i mlade osobe sa područja grada Srebrenika koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

Pravo na dodjelu plastenika nemaju lica koja su dobila donaciju iz oblasti poljoprivrede od Općine/Grada, nadležnih ministarstava, humanitarnih i drugih organizacija u posljednjih 3 godine. Pravo učešća nemaju lica koja u svome vlasništvu ili u vlasništvu članova porodice imaju više od 100 m² plastenika. Pravo učešća nemaju članovi uže porodice zaposlenika Muslim Aid Association i Grada Srebrenika.

II USLOVI

Podnosioc zahtjeva treba da ispunjava slijedeće opće i posebne uslove:

1. OPĆI USLOVI:

- Da je nezaposlena osoba, osoba sa minimalnim primanjima ili mlada osoba, sa prebivalištem na području grada Srebrenika
- Da je nosilac ili član poljoprivrednog gazdinstva u Registru poljoprivrednih gazdinstava i Registru klijenata FBiH
- Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plastičnu proizvodnju ili da je poljoprivredno zemljište

pogodno za plasteničku proizvodnju uzeto na korištenje ili u zakup i da se isto nalazi u neposrednoj blizini stambenog objekta u kojem stanuju a ima mogućnost navodnjavanja plastenika,

- Da u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva
- Da sufinansira 20% od nabavne cijene plastenika i opreme
- da će dobijeni plastenik zadržati u vlasništvu najmanje 3 godine od potpisivanja Ugovora.

2. POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- samohrani roditelji, mladi do 35 godina,
- prirodni uslovi (smještaj plastenika, navodnjavanje),
- socijalni aspekt (stanje na terenu, imovno stanje, opći dojam i sl.)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, te više članove porodice i veći broj nezaposlenih u porodici.

Grad Srebrenik i NVO „Muslim Aid Association“ su nosioci aktivnosti vezanih za realizaciju Projekta.

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Aplikacijski formular za prijavu na Javni poziv,
2. kopija potvrde o upisu u Registar poljoprivrednih gazdinstava i Registar klijenata od nadležne Gradske službe,
3. ovjerena kućna lista,
4. dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice,
5. Potvrde iz škole/fakulteta za djecu/izdržavane članove domaćinstva (za djecu predškolskog uzrasta priložiti rodni list)
6. uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
7. vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, kao i ugovor o zakupu/korištenju parcele), ili izjava o davanju zemljišta na korištenje bez naknade iz RPG i RK,
8. dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
9. dokaz da je podnosilac zahtjeva ili uži član porodice (dijete ili bračni drug) osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
10. ovjerena izjava da u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva,
11. ovjerena izjava da će korisnik podsticaja dobijeni plastenik zadržati u vlasništvu najmanje

3 godine od potpisivanja Ugovora,

12. ovjerena izjava da podnosilac zahtjeva u posljednjih 3 godine nije ostvario pravo na donaciju, iz oblasti poljoprivrede od općine/grada, ministarstava, humanitarnih i drugih organizacija,
13. ovjerena izjava da će sufinansirati 20% od nabavne cijene plastenika sa dodatnom opremom (575.20 KM), te da će obavezno prisustvovati edukaciji iz oblasti plateničke proizvodnje u trajanju od dva dana.

Potrebna izjava za uslove pod rednim brojevima 10,11.,12.,13. se podnosi na zajedničkom obrascu „IZJAVA“, koja se može preuzeti na info pultu Grada Srebrenika

IV PROCEDURA ODABIRA KORISNIKA

Komisiju za odabir krajnjih korisnika za dodjelu plastenika i opreme putem sufinansiranja u saradnji sa humanitarnom organizacijom čine: predstavnik organizacije Muslim Aid, i dva predstavnika Grada Srebrenika.

Zadatak Komisije za dodjelu plastenika i opreme je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Gradonačelniku.

Saglasnost na predloženu rang listu kandidata daje Gradonačelnik.

Rang lista odabranih kandidata će biti objavljena na oglasnoj ploči Grada Srebrenika i službenoj web stranici Grada Srebrenika.

NAPOMENA:

- Kandidati koji ostvare pravo na dodjelu plastenika i opreme obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti na info pultu Grada Srebrenika i na službenoj web stranici www.srebrenik.ba, zajedno sa dokumentacijom predati u zatvorenoj koverti na protokol Grada Srebrenika sa naznakom „Za javni poziv za dodjelu plastenika i opreme“, a rok za podnošenje zahtjeva je 15 kalendarskih dana, od dana objavljivanja javnog poziva na web stranici Grada Srebrenika te na oglasnoj ploči Grada Srebrenika.

Sve dodatne informacije mogu se dobiti u Službi poduzetništvo, lokalni razvoj i investicije, Grada Srebrenika, III sprat, kancelarija broj 15, svakim radnim danom od 08:00-16:00 sati i na kontakt telefon 035-366-440

Nepotpuna, neuredna, netačna i neblagovremena dokumentacija neće se uzimati u razmatranje.

Javni poziv ostaje otvoren do 14. 09. 2021. godine do 14:00 sati.

